



অবিলম্বে প্রকাশের উদ্দেশ্যে: 8/9/2023

গভর্নর ক্যাথি হোকল

গভর্নর হোকল সাম্প্রতিক বন্যায় ক্ষতিগ্রস্ত হাডসন ভ্যালি, নর্থ কান্ট্রি, এবং ফিঙ্গার লেকস অঞ্চলের বাড়ির মালিকদের জন্য অতিরিক্ত 3 মিলিয়ন মার্কিন ডলার জরুরি সহায়তা প্রদানের প্রতিজ্ঞা করলেন

ক্লিন্টন, এসেক্স, হ্যামিল্টন, অন্টারিও, পুটন্যাম, রকল্যান্ড, এবং ওয়েস্টচেস্টার কাউন্টির নিম্ন এবং মধ্যম আয়ের বাড়ির মালিকেরা এখন উপযুক্ত বন্যা মেরামতের জন্য 50,000 মার্কিন ডলার পর্যন্ত অনুদান পাওয়ার যোগ্য হবে

এই শুক্রবার, 11 আগস্ট আবেদন শুরু হবে, কর্মসূচির তথ্য [এখানে](#) পাওয়া যাবে

ঐতিহাসিক মারাত্মক বন্যায় ক্ষতিগ্রস্ত নিউ ইয়র্কবাসীকে সমর্থন করার জন্য গভর্নরের চলমান প্রতিশ্রুতির অনুবর্তী

গভর্নর হোকল আজকে ঘোষণা করলেন যে বন্যা এবং সাম্প্রতিক ঝড়ের ক্ষয়ক্ষতি দ্বারা প্রভাবিত আটটি কাউন্টির যোগ্য বাড়ির মালিকদের জন্য 3 মিলিয়ন মার্কিন ডলার জরুরি সহায়তা প্রদান করা হবে। স্টেটের তহবিল নিম্নোক্ত কাউন্টিগুলিতে প্রধান বাসস্থান ক্ষতিগ্রস্ত হওয়া বাড়ির মালিকদের জরুরি মেরামত অনুদান প্রদান করবে - নর্থ কান্ট্রির ক্লিন্টন, এসেক্স, এবং হ্যামিল্টন; ফিঙ্গার লেকসের অন্টারিও; এবং হাডসন ভ্যালির ডাচেস, পুটন্যাম, রকল্যান্ড এবং ওয়েস্টচেস্টার। গত মাসে ঐতিহাসিক বন্যায় ক্ষতিগ্রস্ত বাড়ির মালিকদের সহায়তা করার জন্য গভর্নর হোকলের ঘোষিত 3 মিলিয়ন মার্কিন ডলারের সাথে এই তহবিল যুক্ত হবে।

“অতিরিক্ত এই তহবিল বিধ্বংসী এই বন্যায় ক্ষতিগ্রস্ত আরো বেশি নিউ ইয়র্কবাসীকে তাদের বাড়ি মেরামত করার কাজে ত্রাণ প্রদান করতে এবং তাদের স্বাভাবিক জীবনে ফেরত যেতে সাহায্য করবে,” **গভর্নর হোকল বলেন।** “গত মাসের ঐতিহাসিক ঝড়ের পরে পুনরুদ্ধার প্রয়াসের অংশ হিসেবে নিউ ইয়র্কবাসীকে যেকোনো উপায়ে সহায়তা করতে আমার প্রশাসন প্রতিশ্রুতিবদ্ধ।”

আজ ঘোষিত জরুরী অনুদানের তহবিল প্রোগ্রামের আয় নির্দেশিকা পূরণকারী বাড়ির মালিকদের প্রাথমিক বাসস্থানের ক্ষতি কভার করবে। নিউ ইয়র্ক স্টেটের হোম এবং কমিউনিটি রিনিউয়াল (New York State Homes and Community Renewal, HCR) কর্মসূচির তত্ত্বাবধান করবে যা প্রতিটি কাউন্টিতে একাধিক অলাভজনক সংগঠন দ্বারা পরিচালিত হবে।

ক্ষতিগ্রস্ত এলাকার বাড়ির মালিকেরা তাদের বাড়িকে একটি নিরাপদ ও বসবাসযোগ্য পরিস্থিতিতে ফেরত আনতে জরুরি প্রয়োজনীয় মেরামতের ব্যয়পূরণের জন্য তহবিল পেতে আবেদন করতে পারবে। যোগ্য কাজের মধ্যে বৈদ্যুতিক এবং প্লাস্টিং সিস্টেম, গরম করার সিস্টেম এবং যন্ত্রপাতি, মেঝে, ড্রাইওয়াল, নিরোধক, জানালা, দরজা, সাইডিং এবং ছাদের মেরামত বা প্রতিস্থাপন অন্তর্ভুক্ত থাকতে পারে। উপযুক্ত মেরামত এবং যোগ্যতার নির্ণায়কের একটি পূর্ণ তালিকা HCR বন্যা কর্মসূচির [ওয়েবসাইটে](#) রয়েছে।

স্থানীয় কর্মসূচি প্রশাসকের অনুমোদিত কাজের প্রয়োজন অনুযায়ী 50,000 মার্কিন ডলার পর্যন্ত অনুদান প্রদান করা হবে। আবেদনকারীদেরকে অবশ্যই আটটি নির্ধারিত কাউন্টির একটিতে প্রাথমিক বাসস্থানের মালিক হতে হবে এবং তার আয় এলাকার মধ্যম আয় (Area Median Income, AMI) বা তার 80 শতাংশ কম হতে হবে।

নিউ ইয়র্ক স্টেট হোমস এবং কমিউনিটি রিনিউয়ালের কমিশনার রুথঅ্যান ভিন্সেন্ট বলেন, “আমরা যেই নজিরবিহীন আবহাওয়া ঘটনার সম্মুখীন হচ্ছি তা অনেক বেশি বাড়ির মালিকের উপর অপ্রত্যাশিত আর্থিক চাপ সৃষ্টি করেছে। আমরা জানি যে গভর্নর হোকল আবাসনকে তার প্রশাসনের একটি মূল অগ্রাধিকার করেছেন এবং নিউ ইয়র্কবাসীকে পরিণামে তাদের প্রিয় সম্প্রদায় ও বাসায় নিরাপদে থাকতে দিবে এমন সংস্থান বরাদ্দ করার মাধ্যমে তিনি আজকে তিনি আরেকবার সেই প্রতিশ্রুতি প্রদর্শন করলেন।”

স্টেটের সিনেটর প্যাম হেমিং বলেন, “বাড়ির মালিকদের জন্য অতি নিকট সময়ে সহায়তা প্রদানে তার সাড়াদানের জন্য আমি গভর্নর হোকলকে ধন্যবাদ জানাতে চাই। আমি আশা করছি যে এই তহবিল ব্যক্তি ও পরিবারকে এই পরিস্থিতির আর্থিক চাপ থেকে কিছুটা ত্রাণ প্রদান করবে। আমি বুঝি যে এটি হয়তো সকলকে সাহায্য করতে পারবে না এবং বাসিন্দাদের সংস্থানের সাথে সংযুক্ত করে দেওয়ার জন্য আমরা আমাদের অন্যান্য অংশীদারদের সাথে কাজ অব্যাহত রাখবো।”

অ্যাসেম্বলি সদস্য জেফ গালাহান বলেন, “এই ঘোষণাটি একটি স্বাগত সংবাদ। ক্যানেনডেগুয়ার এই ঐতিহাসিক বন্যা ঘটনার পর আজকে সকালে গভর্নর হোকলের সাথে দেখা করার পর, আমি খুশি যে অন্তারিও কাউন্টির বাড়ির মালিকদের জন্য তাদের ক্ষতির ব্যয়পূরণ নিশ্চিত করা গেছে, যা পূর্বে অরেঞ্জ কাউন্টির বাসিন্দাদের জন্য উপলভ্য করা হয়েছিলো। ক্যানেনডেগুয়া এর পূর্বে কখনো এই পর্যায়ে বন্যা ও ক্ষয়ক্ষতি দেখেনি এবং আশা করছি ভবিষ্যতেও দেখবে না। অন্তারিও কাউন্টিকে বসবাস, কাজ ও পরিবার বড় করার একটি প্রধান স্থান হিসেবে বহাল রাখার জন্য পুনর্গঠন করা অপরিহার্য। সর্বনাশা এই বন্যায় ক্ষতিগ্রস্ত সকলকে সহায়তা করার জন্য গভর্নরের সাথে কাজ করতে আমি উন্মুখ।”

ওয়েস্টচেস্টার কাউন্টি নির্বাহী জর্জ ল্যাটিমার বলেন, “ওয়েস্টচেস্টার বাসিন্দাদের জন্য, বিশেষ করে ইয়র্কটাউন, ওসিনিং, কর্টল্যান্ড এবং পিকস্কিলের মতো সর্বাধিক আক্রান্ত হওয়া সম্প্রদায়সমূহের জন্য এটি একটি সুসংবাদ। বাড়ির মালিকদের তাদের জীবন স্বাভাবিক অবস্থায় ফেরত নিতে সাহায্য করার জন্য ফেডারেল সরকারের এই সমর্থন অতি গুরুত্বপূর্ণ। আমাদের

বাসিন্দাদের পুনরুদ্ধার এবং পুনর্গঠনে সাহায্য করার জন্য গভর্নর ক্যাথি হোকলের নেতৃত্ব ও সমর্থনের জন্য আমরা তাকে ধন্যবাদ জানাতে চাই।”

ডাচেস কাউন্টি নির্বাহী মার্ক মলিনারো বলেন, “এটি একটি স্বাগত সংবাদ এবং আমাদের অনুরোধে সাড়াদান করার জন্য এবং এই দুর্ঘটনায় বিধ্বস্ত আমাদের ডাচেস কাউন্টির বাসিন্দাদের অন্তর্ভুক্ত করে সাহায্য সম্প্রসারণ করার জন্য আমরা গভর্নরকে ধন্যবাদ জানাচ্ছি। স্টেটের হস্তক্ষেপ ও সমর্থনের জন্য আমরা কৃতজ্ঞ।”

রকল্যান্ড কাউন্টি নির্বাহী এড ডে বলেন, “সাম্প্রতিক ঝড়ের ক্ষতিগ্রস্ত পরিবারগুলির ব্যাপারে আমার প্রশাসন উদ্বিগ্ন, এবং এর পরবর্তী অবস্থায় এখনো কষ্ট পাওয়া বাসিন্দাদের কথা মনে রাখার জন্য গভর্নর ক্যাথি হোকল ও তার দলকে আমি আমার আন্তরিক কৃতজ্ঞতা জানাচ্ছি। আর্থিক সমর্থনের প্রয়োজন আছে এমন বাসিন্দাদেরকে নিউ ইয়র্ক স্টেটের উপলভ্য করা সহায়তার জন্য আমরা আবেদন করার জন্য উৎসাহিত করছি।”

পুটন্যাম কাউন্টি নির্বাহী কেভিন বাইর্ন বলেন, “গত মাসে, ভারী বর্ষণ এবং ঐতিহাসিক বন্যা দ্বারা পুটন্যাম কাউন্টি জর্জরিত হয়েছে। বহু বাসিন্দা তাদের ব্যক্তিগত সম্পদে মারাত্মক ক্ষতির সম্মুখীন হয়েছে এবং তাদের অতিরিক্ত ত্রাণ প্রয়োজন, তাই এটি নিঃসন্দেহে একটি স্বাগত সংবাদ। এক মাস পরেও পুনর্গঠনের জন্য সংগ্রাম করতে থাকা বাড়ির মালিক ও পরিবারকে সাহায্য করার জন্য স্টেট থেকে বাড়তি সহায়তা প্রদান করতে এগিয়ে আসার জন্য গভর্নর হোকল এবং তার নিউ ইয়র্ক স্টেটের স্বদেশ নিরাপত্তা ও জরুরি সেবা বিভাগের (New York State Division of Homeland Security and Emergency Services, DHSES) দলকে আমি ধন্যবাদ জানাচ্ছি। ফেডারেল জরুরি ব্যবস্থাপনা এজেন্সি (Federal Emergency Management Agency, FEMA) থেকে অতিরিক্ত সহায়তা ফেরত আনার জন্য আমাদের কংগ্রেসনাল প্রতিনিধির প্রয়াস বলীয়ান করার জন্য আমরা এখনো সক্রিয়ভাবে স্টেট ও ফেডারেল সরকারকে তথ্য জানাচ্ছি।”

অন্টারিও কাউন্টি সুপারভাইজার বোর্ডের (Ontario County Board of Supervisors) চেয়ারম্যান টড ক্যাম্পবেল বলেন, “৩ জুলাইয়ের চরম ঝড়বৃষ্টিতে অন্টারিও কাউন্টির 180টির বেশি আবাসিক বাসা ও অ্যাপার্টমেন্ট ক্ষতিগ্রস্ত হয়েছে। সাড়াদান এবং পরিচ্ছন্নতা প্রয়াসে সহায়তা করার জন্য আমাদের সম্প্রদায় দারুণভাবে ঐক্যবদ্ধ হয়েছে। পুনর্গঠন প্রক্রিয়ায় সহায়তা করতে বাড়ির মালিকদের জন্য তহবিল উপলভ্য করার জন্য অন্টারিও কাউন্টি গভর্নর হোকলের প্রতি কৃতজ্ঞ।”

হ্যামিলটন কাউন্টি সুপারভাইজারের বোর্ডের (Hamilton County Board of Supervisors) চেয়ারম্যান ব্রায়ান ওয়েলস বলেন, “আরেকবার আমাদের অ্যাডিরন্ডিয়াক সম্প্রদায়সমূহকে সমর্থন করার জন্য হ্যামিলটন কাউন্টি গভর্নর হোকল ও তার কর্মীদের ধন্যবাদ জানাতে চাই। বন্যার সময় এবং পরবর্তীতে দ্রুত সাড়াদান থেকে শুরু করে তার অব্যাহত আর্থিক ও প্রশাসনিক সমর্থন, সকল নিউ ইয়র্কবাসীর প্রতি তার প্রতিশ্রুতি দারুণভাবে প্রশংসিত।”

এসেক্স কাউন্টি চেয়ারম্যান শন জিলিলিয়ান্স বলেন, "ব্যাপক বিস্তৃত বন্যা এবং সাম্প্রতিক উল্লেখযোগ্য ঝরে সম্পত্তি ক্ষতিগ্রস্ত হয়েছে, কাউন্টির এমন বাসিন্দাদের জন্য অতিরিক্ত সংস্থান প্রদান করার এসেক্স কাউন্টি গভর্নর হোকলের প্রতি অত্যন্ত কৃতজ্ঞ। আমাদের বড় কাউন্টি বহুসংখ্যক টাউন ও হ্যামলেটে বেশ ব্যাপক বিস্তৃত এবং তীক্ষ্ণ ক্ষয়ক্ষতির সম্মুখীন হয়েছে। নিউ ইয়র্ক স্টেট আমাদের রয়েছে, তাই এক্সেস কাউন্টিকে একা ক্রমবর্ধমান নজিরবিহীন মেটেরোলজিক্যাল ইভেন্টের সম্মুখীন হতে হচ্ছে না।"

ক্লিনটন কাউন্টি আইনসভার (Clinton County Legislature) চেয়ারম্যান মার্ক হেনরি বলেন, "আমরা প্রয়োজনীয় সহায়তাকে স্বাগত জানাচ্ছি এবং আমাদের বাড়ির মালিকদের অতি প্রয়োজনীয় এই সহায়তা প্রদান করার জন্য গভর্নরের প্রতি কৃতজ্ঞ। এবং জুলাইয়ের বন্যার ঘটনায় আমাদের মিউনিসিপ্যালিটিগুলির জন্য অতিরিক্ত সহায়তা পেতে নিউ ইয়র্ক স্টেট ও গভর্নরের সাথে কাজ করতে আমরা উন্মুখ।"

ক্যানেনডেগুয়ার মেয়র বব পালুস্বো বলেন, "বাড়ির মালিকদের আর্থিক সহায়তা প্রদান করে সাড়াদানের জন্য 9 জুলাইয়ের ঝড়ে সব থেকে বেশি ক্ষতিগ্রস্তদের পক্ষ থেকে আমি গভর্নর হোকলকে ধন্যবাদ জানাতে চাই। "আমি কীভাবে আমার মেরামতের ব্যয়ভার বহন করবো", অনেকের মুখে শোনা এই প্রশ্নের চাপমুক্তির জন্য এই তহবিল অনেক কাজে লাগবে।"

ক্যানেনডেগুয়া টাউনের সুপারভাইজার জ্যারেড সিম্পসন বলেন, "অন্টারিও কাউন্টির বাসিন্দাদের জন্য তাদের নিবেদনের জন্য আমি গভর্নর হোকল, সিনেটর হেমিং এবং অ্যাসেম্বলিম্যান গালাহানকে ধন্যবাদ জানাতে চাই। সবথেকে বেশি ক্ষতিগ্রস্ত ব্যক্তিদেরকে পুনর্গঠন প্রক্রিয়ার কাজ করার সময় পুনরায় নিজের পায়ে দাঁড়াতে এই তহবিল সাহায্য করবে। ক্যানেনডেগুয়া টাউন এবং এই বন্যা দ্বারা প্রভাবিত আশেপাশের সম্প্রদায়গুলির করদাতাদের অতি প্রয়োজনীয় ত্রাণ প্রদান করতে সরকারের সকল পর্যায়ের একত্রে কাজ করার প্রতিশ্রুতি এটি।"

যোগ্য বাড়ির মালিকেরা 11 আগস্ট থেকে তহবিলের জন্য আবেদন করা শুরু করতে পারবেন। আরো বিস্তারিতের জন্য hcr.ny.gov/ahc-flood-assistance-program ভিজিট করুন।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418